


大唐開元禮



卷一

大唐開元禮



大唐開元禮卷第三十一

吉禮

皇帝孟冬祭神州於北郊

齋戒

陳設

省牲器

鑾駕出宮

奠玉帛

進熟

鑾駕還宮

齋戒

將祭有司卜日如別儀 前祭七日平明太尉誓百

官於尙書省曰某月某日祭神州地祇於北郊各揚

其職不供其事國有常刑皇帝散齋四日致齋三日

如方丘之儀凡預祭之官散齋四日致齋三日

散齋俱於

正寢致齋二日於本司一日於祭所其無本司者皆於祭所 近侍之官應從升者

及從祭羣官諸方客使各於本司及公館清齋一日

無本司者散齋理事如舊惟不弔喪問疾不作樂不各於正寢

判署刑殺文書不行刑罰不預穢惡致齋惟祭事得

行其餘悉斷其祭官已齋而闕者通攝行事諸祀官

致齋之日給酒食及明衣各習禮於齋所光祿卿監

取明水火太官令取水於陰鑒取火於陽燧火以供爨水以實尊前祭二日太

尉告太宗文武聖皇帝廟如常告之儀告以配神作主之意前

祭一日諸衛令其屬未後一刻各以其方器服守衛

墻門與太樂工人俱清齋一宿

陳設

前祭三日尙舍直長施大次於外壝東門之內道北南向尙舍奉御於道南北向設御座衛尉設陳饌幔於內壝東門之外道北南向設文武侍臣次又設祭官及從祭羣官諸州使人蕃客等次如方丘之儀前祭二日太樂令設宮懸之樂於壇南內壝之內設歌鐘歌磬右校埽除壇之内外又爲瘞埽於壇之壬地內壝之外方深取足容物南出陞前祭一日奉禮設御位及望瘞位及祭官位從祭羣官諸州府使人蕃客等位於內壝之內皆如方丘之儀設牲牐於

東壝之外當門西向立牲一居前配帝立牲一少退
南上設廩犧令位於牲西南史陪其後俱北向設諸
太祝位於牲東各當牲後祝史陪其後俱西向設太
常卿省牲位於牲前近北南向設神州地祇酒尊於
壇之上下太尊二著尊二犧尊二罍一在壇上於東
南隅北向象尊二壺尊二山罍一在壇下皆於南陛
之東北向西上設配帝著尊二犧尊二象尊二罍一
在壇上於神州酒尊之東北向西上設御洗於壇南
陛東南亞獻之洗又於東南俱北向罍水在洗東篚
在洗西南肆篚實以中爵執尊罍篚罍者各於尊罍篚罍

之後各設玉幣之筐於壇之上下尊拈之所 祭日
未明五刻太史令郊社令升設神州地祇神座於壇
上北方南向席以藁秸設太宗文武聖皇帝神座於
東方西向席以莞設神位各於座首

省牲器

省牲之日午後十刻去壇二百步所諸衛之屬禁斷
行人 晡後二刻諸行事之官各服其服郊社令帥
府史二人及齋郎以尊拈疊洗筐冪入設於位太祝
廩犧令以牲就勝位贊引引御史謁者引太常卿詣
壇東陞升視滌濯於上於視濯執尊者皆舉冪告潔 訖引太常卿

降復位謁者進太尉之左白請就門外位謁者贊引
各引祭官以下就門外位謁者引太常卿就省牲位
南向立廩犧令少前曰請省牲退復位太常卿省牲
廩犧令又前北面舉手曰牂還本位諸太祝各循牲
一匝西面舉手曰充俱還本位諸太祝與廩犧令以
次牽牲詣廚授太官謁者引光祿卿詣廚省鼎鑊申
視濯漑謁者贊引各引祭官就廚省饌具訖俱還齋
所祭日未明十刻太官令帥宰夫以鸞刀割牲祝
史以豆取毛血各置於饌所遂烹牲

鸞駕出宮如方丘之儀

奠玉帛

祭日未明三刻諸祭官各服其服郊社令良醢令各

帥其屬入實尊罍玉幣

凡六尊之次太尊爲上實以汎齊著尊次之實以醴齊犧

尊次之實以盎齊象尊次之實以醍齊壺尊次之實以沈齊山罍爲下實以三酒配帝著尊爲上實以汎齊犧尊次之實以醴齊象尊次之實以盎齊玄酒各實於五齊之上尊禮神之玉以兩圭有邸幣以玄

太官令帥進饌者實諸邊豆簋簠入各設內壝之外

饌幔內 未明二刻奉禮帥贊者先入就位贊引引

御史博士諸太祝及令史祝史與執尊罍篚冪者入

自東門當壇南重行北面西上立定奉禮曰再拜贊

者承傳

凡奉禮有辭贊者皆承傳

御史以下皆再拜訖執尊罍篚

幕者各就位贊引引御史諸太祝詣壇東陞升行埽
除於上令史祝史升行埽除於下訖各引就位駕將
至謁者贊引各引祭官及從祭羣官諸方客使先置
者俱就門外位駕至大次門外迴輅南向將軍降立
於輅右侍中進當鑾駕前跪奏稱侍中臣某言請降
輅俛伏興還侍位皇帝降輅之大次謁者引文武五
品以上從祭之官皆就壇外位太樂令帥工人二舞
以次入就位文舞入陳於懸內武舞立於懸南道西
謁者引司空入行埽除訖出復位如常儀訖引就壇
外位皇帝停大次半刻頃謁者贊引各引祭官通事

舍人分引從祭羣官介公儻公諸方客使皆先入就

位太常博士引太常卿立於大次門外當門北向侍

中版奏外辨皇帝服大裘而冕出次華蓋侍衛如常

儀

侍中負寶陪從如式

博士引太常卿太常卿引皇帝

凡太常卿前導

皆博士先引

至內壝門外殿中監進大圭尚衣奉御又以

鎮圭授殿中監殿中監受進皇帝搢大圭執鎮圭華

蓋侍衛停於門外近侍者從入如常謁者引禮部尙

書太常少卿陪從如常皇帝至版位西向立

每立定太常卿

與博士退立於左

謁者贊引各引祭官次入就位立定太常

卿前奏稱請再拜退復位皇帝再拜奉禮曰眾官再

拜眾官在位者皆再拜

其先拜者不拜

太常卿前奏有司謹

具請行事退復位協律郎跪俛伏舉麾

凡取物者皆跪俛伏而取

以興奠物則跪奠訖俛伏而後興

鼓祝奏順和之樂乃以林鍾之均

作文舞之舞樂舞八成偃麾戛敔樂止

凡樂皆協律郎舉麾工鼓

祝而後作偃麾戛敔而後止

太常卿前奏稱請再拜退復位皇帝

再拜奉禮曰眾官再拜眾官在位者皆再拜諸太祝

俱取玉幣於筐各立於尊所太常卿引皇帝太和之

樂作

皇帝每行皆作太和之樂

皇帝詣壇升自南陛侍中中書令

以下及左右侍衛量人從升

以下皆如之

皇帝升壇北面

立樂止太祝加玉於幣以授侍中侍中奉玉帛東向

進皇帝搢鎮圭受玉帛

凡受物皆搢鎮圭奠訖執圭俛伏興

登歌作肅

和之樂乃以應鍾之均太常卿引皇帝進北面跪奠於神州地祇神座俛伏興太常卿引皇帝少退北面再拜訖太常卿引皇帝立於西方東向又太祝以幣授侍中侍中奉幣北向進皇帝受幣太常卿引皇帝進東面跪奠於太宗文武聖皇帝神座俛伏興太常卿引皇帝少退東向再拜訖登歌止太常卿引皇帝樂作皇帝降自南陛還版位西向立樂止初羣官再拜訖祝史各奉毛血之豆立於門外於登歌止祝史奉毛血入升

正座升自南陛配座升自東陛

諸太祝迎取於壇上俱

進奠於神座前諸太祝與祝史退立於尊所

進熟

皇帝既升奠玉幣太官令出帥進饌者奉饌陳於內
壇門外謁者引司徒出詣饌所司徒奉神州之俎初
皇帝既至位樂止太官令引饌入俎初入門雍和之
樂作以太簇之均饌至陞樂止祝史俱進徹毛血之
豆降自東陛以出神州之饌升自南陛配帝之饌升自東陛諸太祝迎引
於壇上各設於神座前籩豆蓋冪先徹乃升籩簋既奠卻其蓋於下設訖
謁者引司徒太官令帥進饌者降自東陛以出司徒
復位諸太祝還尊所太常卿引皇帝詣盥洗樂作皇

帝至罍洗樂止侍中跪取匱興沃水又侍中跪取盤
興承水皇帝盥手黃門侍郎跪取巾於匱興進皇帝
帨手訖黃門侍郎受巾跪奠於匱黃門侍郎又取匏
爵於匱興進皇帝受爵侍中酌罍水又侍中奉盤皇
帝洗爵黃門侍郎又授巾皆如初皇帝拭爵訖侍中
奠盤匱黃門侍郎受巾奠於匱皆如常太常卿引皇
帝樂作皇帝詣壇升白南陛樂止謁者引司徒升白
東陛立於尊所齋郎奉俎從升立於司徒之後太常
卿引皇帝詣神州酒尊所執尊者舉罍侍中贊酌汎
齊訖壽和之樂作

皇帝每獻酌及飲
福皆作壽和之樂

皇帝進神州地

祇神座前北面跪奠爵俛伏興太常卿引皇帝少退
北向立樂止太祝持版進於神座之右東面跪讀祝
文曰維某年歲次月朔日子嗣天子臣某敢昭告於
神州地祇惟祇包函區夏載植羣生溥被域中賴茲
厚德式遵彝典練此元辰敬以玉帛犧齊粢盛庶品
明獻厥誠備茲禋瘞皇曾祖考太宗文武聖皇帝配
神作主尚饗訖興皇帝再拜初讀祝文訖樂作太祝
進奠版於神座還尊所皇帝拜訖樂止太常卿引皇
帝詣配帝酒尊所執尊者舉冪侍中取爵於坫皇帝
受爵侍中贊酌汎齊訖樂作太常卿引皇帝進太宗

文武聖皇帝神座前東面跪奠爵俛伏興太常卿引
皇帝少退東向立樂止太祝持版進於神座之左北
面跪讀祝文曰維某年歲次月朔日子孝曾孫開元
神武皇帝臣某敢昭告於皇曾祖考太宗文武聖皇
帝令月嘉時祇依恆禮用致瘞祭於神州地祇惟皇
曾祖德被乾坤格於上下昭配之儀欽率典常謹以
制幣犧齊粢盛庶品虔恭明薦作主侑神尙饗訖興
皇帝再拜初讀祝文訖樂作太祝進奠版於神座還
尊所皇帝拜訖樂止太常卿引皇帝進神州地祇神
座前北向立樂作太祝各以爵酌上尊福酒合置一